



Ўзбекистон Республикаси номидан
PDF ҳужжат қарори

19.07.2022 йил

Гўзалкент кўрғони

4-1407-2201/1054-сонли иш

Пастдарғом туманлараро иқтисодий суди, судья Л.Асатов раислигида, Э.Бойзоқов суд мажлиси котиблигида, аризачи – [REDACTED] (бундан буён матнда [REDACTED] деб юритилади), жавобгар – « [REDACTED] » оилавий корхонасига нисбатан берган аризаси бўйича ишни, суд биносида, очиқ суд мажлиси муҳокамасида, аризачи вакили [REDACTED] (23,05,2022 йилги 19/04833-сонли ишончнома) иштирокида кўриб, қуйидагиларни,–

А Н И Қ Л А Д И:

Аризачи – [REDACTED] иқтисодий судга ариза билан муурожаат қилиб, жавобгар – « [REDACTED] » оилавий корхонасининг банклардаги ҳисобварақлари бўйича операцияларини ўн кундан кўп муддатга тўхтатиб туришни сўраган.

Суд мажлисида муҳокамасида иштирок этган аризачи вакили судга маълумотномани тақдим этиб, ўз тушунтиришида жавобгар томонидан суд мажлиси кунига қадар камчиликлар бартараф этилганлигини билдириб, арз қилинган даъво талабини рад этишни сўради.

Суд мажлисида жавобгар иштирок этмади. Суд Ўзбекистон Республикаси Иқтисодий процессуал кодекси 220-моддасига асосан ишни жавобгар иштирокисиз, ишдаги мавжуд ҳужжатлар асосида кўриб чиқиб, мазмунан ҳал этишни лозим деб топди.

Суд, ишдаги ҳужжатларни ўрганиб, аризачи вакили тушунтиришини тинглаб, қуйидагиларга асосан арз қилинган талабни қаноатлантиришни рад этишни лозим деб топди.

Ишдаги ҳужжатлардан ва суд жараёнида аниқланишича, жавобгар томонидан 2022 йил апрель ойи учун айланмадан олинадиган солиқ бўйича солиқ ҳисоботи тақдим этилмаган.

Ўзбекистон Республикаси Солиқ кодекси 82-моддасига асосан солиқ ҳисоботи солиқ тўловчи ҳисобга олинган жойдаги солиқ органига белгиланган шаклда қоғоз ёки электрон шаклда ушбу Кодексга мувофиқ солиқ ҳисоботига илова қилиниши лозим бўлган ҳужжатлар билан тақдим этилиши лозим.

Шунингдек, ушбу Кодекс 273-моддасига биноан солиқ тўловчилар солиқ ҳисоботини ўзлари солиқ ҳисобида турган жойдаги солиқ органларига ўтган солиқ давридан кейинги ойнанинг йигирманчи кунидан кечиктирилмаган муддатда тақдим этишлари шарт.



Ўзбекистон Республикаси Давлат солиқ қўмитаси томонидан солиқ тўловчининг шахсий кабинетига 2022 йил 6 июнь кунда хабарнома юборилган, лекин жавобгар томонидан солиқ ҳисоботи белгиланган санага қадар топширилмаган.

Ўзбекистон Республикаси Солиқ кодекси 311-моддасига мувофиқ юридик шахслар ва яққа тартибдаги талбирқорларнинг банкдаги ҳисобварақлари бўйича операцияларни тўхтатиб туриш солиқ органи томонидан мазкур солиқ тўловчининг (солиқ агентларининг) солиқ мажбуриятлари бажарилишини таъминлаш учун солиқ тўловчи (солиқ агенти) томонидан солиқ органига маълумот ва (ёки) солиқ ҳисоботи бундай ҳисоботни тақдим этишнинг белгиланган муддати тугаганидан кейин ўн кун ичида тақдим этилмаганда, солиқ тўловчининг (солиқ агентининг) ўзи кўрсатган манзилда йўқлигида ва бошқа ҳолларда қўлланилиши мумкин. Солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш тўғрисидаги қарор солиқ органининг раҳбари (раҳбар ўринбосари) томонидан ўн кундан кўп бўлмаган муддатга қабул қилиниши мумкин. Солиқ тўловчининг (солиқ агентининг) банкдаги ҳисобварақлари бўйича операцияларни ўн кундан кўп муддатга тўхтатиб туриш тўғрисидаги қарор солиқ органининг илтимосномасига асосан суд томонидан қабул қилиниши мумкин. Бунда солиқ тўловчининг (солиқ агентининг) банк ҳисобварақлари бўйича операциялари суд томонидан қарор қабул қилингунга қадар тўхтатиб турилади.

Аммо, [REDACTED]нинг маълумотномасига кўра «Муборак эл машали» ф/х томонидан камчиликлар бартараф этилган.

Бундай ҳолатда, суд, аризачи вакили тушунтиришини тинглаб, ишдаги ҳужжатларни ўрганиб, аризада кўрсатилган камчиликлар жавобгар томонидан суд мажлиси кунига қадар бартараф қилинганлиги сабабли арз қилинган талабни қаноатлантиришни рад этишни, Солиқ кодекси 330-моддаси 31-бандига асосан ишни кўриш билан боғлиқ давлат божи ундирмасликни лозим деб топди.

Юқорида баён этилганларга кўра, Ўзбекистон Республикаси Иқтисодий процессуал кодекси 113,176-179,186,216-217,221-222-моддаларига асосланиб, суд,-

Қ А Р О Р Қ И Л Д И:

Арз қилинган талабни қаноатлантириш рад этилсин.

Ҳал қилув қарори устидан 10 кунлик муддат ичида апелляция шикоятти бериш (протест келтириш) мумкин.

Раислик этувчи

Л.Асатов

